

無綫新劇《奪命提示》正在熱播，當中以張振朗與劉穎璇的感情戲最惹人關注。對於有網民指劇集灑鹽花，振朗表示拍攝時全程「君子上身」，事前亦有跟劉穎璇溝通，大家互相信任才能拍出好效果。他又稱自己是專業演員，任何演出都是只想刺激觀眾的「追劇癮」。

# 任何演出都只想刺激觀眾「追劇癮」 劇集被指灑鹽花 振朗：都係跟劇本

陳山聰、張振朗、劉佩玥(Moon)、劉穎璇、郭柏妍和丁子朗等昨日到商場宣傳無綫熱播劇《奪命提示》，期間眾人玩遊戲，女演員要閉上雙眼，吃掉男演員身上的提子，振朗與劉穎璇差點重演劇中激吻一幕，場面爆笑。

振朗於劇中艷福不淺，做宣傳活動亦被安排與女演員有親密接觸，他笑言劇集之後有更激場面：「我為呢套劇已經去到盡，都係想取悅觀眾。拍攝時我好君子嘍，完全冇偷望，大家都互相信任，唔會令大家唔舒服，盡情發揮先做到想要嘅效果。」劉穎璇坦言與觀眾一起看自己的親熱戲很尷尬：

「我係超級怕醜，完全講唔到嘢，心跳得好快。之前我有試過行貓步爬上床，仲要餵提子同啱振朗心口畫圈，拍嗰陣已好怕醜，好彩大家有預先溝通。」

振朗大讚劉穎璇表現專業，既要拍打戲又有性感演出，難怪深受觀眾喜愛。問到女友可有呷醋？他笑言：「唔怕，我哋都係專業演員，只係想激起觀眾追劇嘅熱情，希望收視節節上升。」對於網民指《奪》劇大灑鹽花，他說：「我哋都係跟劇本，無論演乜總有人喜歡或唔喜歡，我哋只係做足演員本分，而且有人討論都係好事。」劉



郭柏妍與丁子朗再演情侶，默契十足。

穎璇則稱性感打扮是劇情需要，全個劇組都只想到最好。

## 陳山聰親自編舞

現場播放的預告片中，山聰、Moon與區明妙大跳八十年代舞步，山聰透露是自己親自編舞：「呢場戲係即場度出嚟，監製只係畀指引，我就諗起八十年代好流行嘅舞姿。」問山聰與Moon會否有激情戲？山聰笑言：「我哋都有嘅，係一段好笑嘅浪漫愛情動作戲，不過觀眾要先睇我哋跳舞。」Moon表示：

「我好鍾意山聰喺我身邊，有佢喺度，佢話做乜我都唔驚，好安心咁演出。」

陳山聰是好好先生，劉佩玥很放心跟他玩遊戲。



劉穎璇閉起雙眼咬提子，差點與張振朗重演劇中「咬唇」一幕。

## 古巨基子子表演慾強 有份上台演出爆喊

「香港打吡大賽」昨日在沙田馬場舉行，再度連任「香港打吡大使」的甄子丹偕太太汪詩詩、女兒甄濟如現身，久未在香港出席公開活動的古巨基擔任開幕表演嘉賓。提到基仔推行的「音樂人培育計劃」今年內實行，問到可會培養兒子做歌手？他讚兒子有節拍感，喜歡上台表演：「試過帶團團綵排，佢知自己有機會上台表演後即刻爆喊！」他透露將來開騷會安排兒子上台：「父子同台係一件好難忘嘅事。」甄濟如亦是活動的表演嘉賓，子丹笑言因囡終於「夠秤」入馬場。問到可會考慮用囡的歌曲為新添的馬匹命名？他說：「可以試吓。（用囡囡首歌《Forever 19》？）好主意，大家可以一齊啖。」



基仔擔任活動開幕表演嘉賓。



甄子丹偕妻女出席活動。

## 小方調理好身體才生B



## 小方婚後體重急升

方力申(小方)今年情人節宣布與圈外女友葉萱結婚，昨日首度出席公開活動《搵水一戰2025》起步禮。他自爆婚後「幸福肥」，重了6公斤，原因是沒有擺婚宴，要跟家人和朋友吃飯：「我都唔記得食咗幾多餐飯。」他自爆獲父親祝「早生貴子、傳宗接代」，問到是否會聽爸爸話盡快生B？小方表示爸爸即將80大壽，本身與太太都計劃生小朋友，但想先調理好身體，並指獲不少朋友推介生仔食療：「可唔可以送個孫畀爸爸賀壽就順其自然。」

## 詹天文演音樂劇啟發人生

詹天文與林智樂將於不同場次友情客串演出音樂劇《我們的青春日誌》，詹天文表示一年前完成DSE課程，對中學生活的印象仍然很深刻：「所以我對呢部音樂劇嘅劇情特別觸動，甚至中途感動落淚，當中嘅對白『你要將你嘅遺憾變得冇價值』，啟發咗我往後做人處事嘅態度。」首度踏足音樂劇舞台的林智樂，客串演出七十年代校長一角，他說：「我好高興能夠客串參與這套香港經典長壽劇，我會盡量享受過程，樂在其中。」



詹天文懷念讀中學的時光。